

"Joenem Tradisenol Save mo Saens Blong mekem Komuniti i Stanap Strong"

Komuniti blong Vanuatu i gat kastom blong yusum tradisenal save long saed long klaemet mo weta blong luksave taem blong difren sisen.



Objektiv blong VMGD Tradisenal Save

Ol mein wok VMGD emi blong kolektem mo kipim gud ol tradisenal save we i stap some saen blong difren weta mo klaemet. Taem save ia i joen wetem saed blong saens, hem mekem i isi mo stret blong ol komuniti i save yusum long olgeta ples long Vanuatu.



Ol stamba tingting blong Wok:

- Spredem Save: Serem save long olgeta komuniti.
- Kolektem Save: Karem ol save long evri ples.
- Joenem Save: Joenem tradisenal save mo save blong saens.
- Kipim gud Save: kipim gud ol save ia i stap long ol taem we i stap kam.

Wanem Nao Tradisenal Save?

Tradisenal save hem i save we ol komuniti blong olgeta ples long wol i gat, we i stap pasem l go daon long ol jeneresen. Save ia hemi long saed blong komuniti mo ol ekspiyens blong neja, olsem:

- Fasin blong wokem haos
- Fasin blong fising
- Fasin blong planem kakae
- Fasin blong kuk
- Fasin blong mekem meresin
- Fasin blong hant
- Save blong weta mo klaemet



Komuniti blong yu mo aelan blong yu i yusum tradisenal save yet?

Tradisenal save i impoten tumas long laef blong yumi. Hem i fri, isi blong kasem, mo tu hemi wan save we ol komuniti long ples we i stap long ol remo eria blong Vanuatu i depend tumas long hem, espeseli long saed we i no gat network.

"Blong wokem komuniti i save stanap strong mo sef, ol fasin blong tradisenal save oli mas kam bakegen, yumi yusum bakegen—long tede mo long taem we i kam."

VMGD wetem ol patna blong hem i wok blong kolektem ol stori blong tradisenal save blong saed long klaemet mo weta blong evri ples long Vanuatu.

SAPOS KOMUNITI BLONG YU I STAP MEKEM FASIN IA BLONG SAED LONG WETA MO KLAEMET YET, VMGD I WANTED SAVE MOA LONG HEM.



Kontaktem Mifala

📍: Private Mail Bag 9054
Port Vila; Telephone

☎: +678 22331
🌐: www.vmgd.gov.vu



TREDISINAL SAVE

"JOENEM TRADISENOL SAVE MO
SAENS BLONG MEKEM KOMUNITI I
STANAP STRONG"